

TRABOUNAN A INICIA PA CU E MANEHO DI IDIOMA PE FUTURO DI ENSEÑANSA NA ARUBA



FITCH TAMBE TA CONFIRMA PERSPECTIVA STABIEL PA ARUBA




Awe nos a ricibi
e tristo noticia cu
Francisco Celeire
a bay laga nos



**Servicio ta sigui normal
na Banco di Caribe
(Aruba) N.V.
Banco no ta na
altura di ningun
embargo**



Un fan lo a keda cendi y a
causa un kortsluiting, a kima
parti di e cushina di Cafe080



24/7 SERVICE

**For URGENT
Dental Emergencies
please call**

**+297 585-3255
+297 592-9398**

**Emmanuel Bermudez
- DENTAL SOLUTIONS -**

Pik Pisas ta na Dubai pa busca inversionista pa Curacao

Willemstad – Gobièrnu di Kòrsou su delegashon, liderá pa Promé Minister Gilmar Pisas huntu ku Minister di Desaroyo Ekonómiko Ruisandro Cijntje a yega Dubai dia 26 di mart 2022.

E meta kardinal di e biahe aki ta haña un bista riba posibilidatnan pa atrae invershon for di Emiratonan Arabe. E kultura na e áreanan aki ta di tal indole ku mas haltu bo representashon ta, mas haltu den e hierarkia di e Emiratonan bo ta keda risibí.

Esaki ta motibu pa kual Promé Minister Gilmar Pisas tambe mester tabata presente den e delegashon i tambe fungí komo e hefe di e delegashon.

A krea un delegashon ku ta konsistí di diferente kompanianan ku por bin hasi negoshi i alabes krea oportunidat pa trese invershonistanan pa Kòrsou.

Servicio ta sigui normal na Banco di Caribe (Aruba) N.V. Banco no ta na altura di ningun embargo

Banco di Caribe a tuma nota di informacion den corant Vigilante na Curaçao cu lo pone embargo riba banco. Maneho di Banco di Caribe (Aruba) N.V. ta enfatisa cu e no ta na altura di ningun embargo riba e banco y cu tur fondo di cliente ta safe.

Aunke no tin ningun caso di embargo e banco ta informa cu, si acaso mes esaki presenta, lo no tin consecuencia pa fondo di cliente na Banco di Caribe. E embargo lo ta riba e accionnan di e compania y no riba fondo di e banco ni fondo di cliente.

Tur cliente por conta cu nan por sigui dispone di nan cen pa haci transaccion via BdC Online, na ATM y mashinnan di pago.

Nos ta masha agradecido pa e confiansa



di nos clientenan cu nos ta sirbiendo pa casi 39 aña cu dedicacion y nos ta spera di por sigui conta cu esaki pa hopi aña mas.

Ta bende Hyundai eon 2016



Den bon condicion
Standard/airco
Afl 14.500 of mihor
oferta
Info & wasap
7390101

Pa abona na SOLO DI PUEBLO

Yama
585 9500
of manda nos un
e-mail na
solodipueblo@gmail.com

Entrega tur dia te den
bo portí cas



Minister Endy Croes: A DUNA PRESENTACION Y INFORMACION NA COMISION FIHO DI ENSEÑANSA DI PARLAMENTO Tocante e ultimo desaroyo di e problematica di werksters di SKOA

Diamars atardi Minister Endy Croes tabata den Parlamento di Aruba pa un reunion yama pa Parlamentario Shailiny Tromp – Lee kende ta presidi comision fiho di Enseñansa. E Mandatario a expresa cu e tabata un encuentro ameno unda a duna hopi informacion di tur e negociacionnan cu a tuma luga desde cu e a tuma e cartera di Enseñansa na september 2021 te cu awe. Register Accountant Anthony Croes di Plus Accountants ta e persona cu ta presidi e comision werksters di SKOA pa duna conseho y busca un solucion pa e problematica aki. RA. Croes a presenta na Parlamento e 'bevinding rapport' cu ta riba mesa.




Mester agrega cu tur fraccion tabata presente y nan tabatin hopi pregunta unda cu tanto Register Accountant Anthony

Croes como e Mandatario di Enseñansa a duna tur informacion y splicacion.

Pa finalisa e Minister Endy Croes a expresa cu e tabata un bon reunion caminda a mantene Parlamento informa di

e ultimo desaroyonan cu e unico meta ta pa trece un solucion structural di awo pa dilanti pa e problemantica di werksters.

A duna chance pa sali, auto a tuma e chance, sin wak brommer



accidente entre un auto y un brommer banda di Cayena Mall, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda cu un auto bayendo pabao den e fila a para pa laga un

auto di Tarabanaweg drenta pero net na e momentonan ey tabata tin un brommer pasando e fila y e chauffeur di Tarabanaweg no a mir'e

y a sali su dilanti. E motociclista a ranca e bumper completo di e Toyota Yaris y e motociclista a herida su rudia.

Diahuebs mainta a drenta informe di un

Ambulance y polis a bay atende cu mucha homber cu a bira malo

Cumana - Diabierna mainta polis y ambulance a bay pura un adres na Cumana, unda cu un mucha homber a bira malo y lo tawata su so na cas.

Na prome instante ambulance y polis tawata tin poco dificultad pa a loclisa e adres exacto, pero despues di algun rato a bin hay'e.

Paramediconan a logra yega paden cerca e mucha homber cu tawata sint'e

hopi zwak.

Mama di e mucha homber lo no tawata presente e momento ey pero a yega algun rato despues.

Paramediconan a transporta e mucha homber pa Hospitaal pa atencion medico mas avansa.

No ta conoci si e mucha homber tin un condicion medico of a bira malo diripiente.



Prome Minister Evelyn Wever-Croes:

INTEGRIDAD NO CONOCE DISTINCION DI GERENO

“Ora bo ta para pa integridad, bo mester actua, maske ta hendenan di bo propio partido”

Prome Minister Evelyn Wever-Croes ultimo dianan ta blanco di critica pa motibo di suspension di un empleado Publico na Parlamento. Prome Minister ta reacciona y duna aclaracion di e situacion aki.

“Normalmente mi no ta reacciona riba casonan asina. Pero mi ta mira cu politiconan oponente ta purba hinca e tema aki den un direccion politico. Y p'esey mester duna aclaracion.

Ami como minister encarga cu entre otro asuntonan di personal y cu e organizacion di Parlamento, a wordo acerca pa Griffier di Parlamento pa mi firma un carta di suspension di un empleado di Parlamento.

Ta trata di un procedura standard cu Departamento di Recurso Humano ta encamina ora cuminsa un investigacion a base di un keho cu nan ricibi.

Prome cu mi wordo acerca cu un peticion asina, ya e departamento a hasi un investigacion caba, pues nan ta conclui cu no ta algo sin base. Den casonan asina como minister, ami nunca ta nenga, ni maske ta hende cu mi conoce bon, manera den e caso aki.

Awor investigacion ta andando y si no haya nada mas, e suspension ta wordo kita y lo tuma un decision si e keho entrega lo conduci na un sancion disciplinario of no. Si e no conduci na un sancion disciplinario, e persona ta haya un carta den cual ta confirma esey y e persona por bolbe na trabou.

Mi kier remarca cu ta hopi importante pa tur empleado publico tin un posicion politicamente neutral den nan trabou. Sea cu bo ta na favor di gobierno of no, na pia di trabou no ta permiti pa haci cosnan politico pa ningun partido politico cu ekipo di trabou.



Mucho menos si e no ta parti di e definicion di bo funcion. Esaki ta algo cu tur empleado publico ta suppose di sa.

Ami como minister ta haya mi varios biaha cu casonan asina, y cu ami mester tuma e decision fastioso di suspende un persona. Pero esey ta parti di mi trabou. Si di berdad nos kier un Aruba integro, nos mester stop di cuestiona ora departamentonan di

gobierno tuma accion pa frena cosnan cu no ta bon den gobierno. Si cada biaha mester tene cuenta cu ken conoce ken, nunca nos ta libra nos pais di corrupcion. Y si e persona no a haci nada, e no tin nada di teme, indudablemente e lo sali liber di tur acusacion.

Integridad ta algo cu bo tin of bo no tin. Y si bo tin integridad bo mester actua, irrespecto si ta hende muhe of si ta hende

homber. Irespecto si ta bo propio famia of colega di bo propio partido. Si bo NO actua, e ora abo mes ta e problema.

Como Minister ami semper a asumi mi responsabilidad. Mi no ta minister pa hunga popular, mi ta minister pa haci lo corecto. Y si mi no actua, mi ta aproba actuacion no corecto y mi ta bira mescos cu nan”.

Prome Minister Evelyn Wever-Croes:

Capitulo 2 di Relato Anual 2021 di Ministerio di Prome Minister INICIATIVANAN DI PARLAMENTO RIBA INTEGRIDAD

Den Relato Anual 2021 cu recientemente Prome Minister Evelyn Wever-Croes a presenta y publica, e ta amplia riba e trabounan cu a wordo haci riba Integridad entre otro Bureau Integriteit, Corporate Governance, Integriteitskamer y tambe e iniciativanan riba e tereno di Integridad di Parlamento na 2021.

Ombudsman y Kinderombudsman: Aña 2021 tabata uno hopi importante pa Integridad na Parlamento. Pacuminsa, Parlamento a aproba e ley di Ombudsman y Kinderombudsman. Esaki a wordo haci na september 2020. Esaki ta un ley cu a bin di Parlamento. Parlamentarionan unanimamente a trahe y nan mes a aproba pa Aruba haya su Ombudsman y su Kinderombudsman.

A haci palabracion cu Parlamento cu lo ancrar e ley aki den e Constitucion pa asina elimina metemento politico den Ombudsman. Lamentablemente e ley no a haya e aprobacion di oposicion den Parlamento y no por a wordo realisa. “Sin embargo nos lo sigui cu e trabounan si y trece e cambio cu

mester trece ainda den e ley cu Parlamento unanimamente a aproba pa asina nos por busca nos Ombudsman y bin cu e oficina di Ombudsman Aruba”, Prome Minister a enfatisa.

Landsverordening Politieke Partijen: Parlamento tambe a bin cu cambio den e Landsverordening Politieke Partijen. E cambio ta e capitulo cu nan a hinca den e ley di financiamiento politico. E ley aki no a wordo aproba unanimamente. El a bin di Fraccion di MEP y coalicion a sostene mientras cu oposicion a vota contra. El a bira ley y aña pasa Electorale Raad por a traha cu e ley aki y a manda carta pa partidonan politico pa nan por hustifica y raporta nan entrada y gastonan.

Landsverordening Integriteits Ministers Un otro ley ta e Landsverordening Integriteits Ministers cu parlamento a proba dia 17 di december 2021. Esaki tambe ta un ley cu a bin di Fraccion di MEP y no a wordo sosteni pa henter Parlamento pero si pa coalicion. Cu e ley

aki ta bin reglanan di screening pa Ministernan. No solamente ora un ciudadano bira minister pero tambe durante su trayectoria como minister. E formador of Minister President por sigui haci e screening y ta sigur e ora cu no tin cosnan straño ta tumando luga durante di e gobernacion. Esaki no tabata den ley angra pero aworaki si e ta angra den ley. Cu e ley aki mayoria den Parlamento a demostra cu nan ta tuma e tema di integridad na serio.

Durante tratamiento di e ley aki a bin un otro discusion na Aruba cu a wordo inicia pa partido AVP door cu nan a pone un sospechoso cera na KIA riba nan lista y despues insisti cu e tin cu bira Parlamentario. Segun ley esaki ta posibel, pero a bin un discusion grandi den comunidad cu ta haya cu moralmente esaki no por y cu Parlamento mester bin cu e reglanan aki pa nan mes tambe y no solamente pa ministernan.

“Berdad bo no kier pone drempelel haltu pa kende ta bira representantenan di pueblo den Parlamento pero tin un consensus




comun si den pueblo cu no kier un sospechoso den Parlamento cu ta su organo constitucional mas haltu”, Prome Minister a enfatisa.

Prome Minister ta encurasha ciudadanonan pa lesa e relato amplio riba

e topico di Integridad. Por haya esaki riba e website ‘Prime Minister’s Office’ pmo.arubagov.org of por solicita pa ricibi e relato anual via un link via email. Por haci esaki via pagina di Facebook Gabinete Wever-Croes.



Un fan lo a keda cendi y a causa un kortsluiting, kimando un parti di e cushina di Cafe080




Noord: Diadomingo algo prome cu 6'or di mainta alarma a wordo bati pa un compania di seguridad, un security guard durante patruya lo a haya holo di candela y a nota huma den Cafe 080.

Mesora a avisa polis y brandweer, hopi lihe nan a yega na e sitio, enberdad nan a nota cu tin huma den e lugar pero na prome instante no por a haya niun persona pa habri porta di e negoshi pa nan por a drenta. Bandi pariba nan a logra kibra un bentana y brandweer a cuminsa

sput awa paden. Asina nan a combati e candela den e cushina.

Mientras polis a cera e caminda pa trafico, brandweer a logra domina y paga e candela. Un fan cu lo a keda cendi a causa un kortsluiting. E candela a kima un parti chikito di e cushina, pero si e lugar mes a keda bou huma.

Den careda di 6'or y 15, e manager a yega na e sitio, mesora e la habri e porta pa asina brandweer por a controla e lugar y alabes e huma por sali for di den e lugar.



Minister Maduro di Finansa ta informa:

FITCH TAMBE TA CONFIRMA PERSPECTIVA STABIEL PA ARUBA

Gobierno a ricibi e grato noticia for di New York cu FITCH-rating tambe ta premira un futuro positivo pa economia di Aruba y pa e motibo ey a mantene e perspectiva ("outlook") di Aruba na stabiel. E resultado aki ta igual na esun di e agencia di credito Standard & Poor's cu recientemente tambe a publica nan resultadonan.

Aña pasa FITCH a cambia e perspectiva di Aruba for di negative pa stabiel. Cu e resultado aki ta bira dos aña consecutivo cu ambos ratings agency ta confirma cu e economia di Aruba ta superando e golpinan severo cu COVID a causa na economia mundial. Gobierno ta sumamente satisfecho cu e resultado aki. E impacto enorme di COVID inicialmente a causa daño na rating di Aruba y a causa un downgrading na 2020. Awo a keda confirma cu e golpi aki no a kibra e fundeshi riba cual Aruba por traha un era nobo di recuperacion. Un outlook stabiel pa dos aña consecutivo ta indica cu e recuperacion cu a observa no ta un desaroyo incidental.

E prome aña di COVID

Aruba ta entre e paisnan den mundo cu ta grandemente dependiente di turismo y hustamente turismo ta e sector cu a sufri mas tanto durante e pandemia. Na inicio di e pandemia varios instancia internacional a proyecta cu turismo, sector di restaurant y hotelnan lo ta entre e sectornan mas afecta. Na e momento ey analistanan a premira cu economia di Aruba lo sufri grandemente di e

seramento di fronteranan y tambe otro medidanan contra COVID cu otro paisnan a tuma. Tur esakinan ta eventonan internacional cu Aruba no por controla. Aruba a cuminsa for di un posicion financiero hopi fragil pa motibo di un debe nacional cu a surpasa tur nivel responsabel y aceptabel. Pa motibo di esaki e capacidad di Aruba pa yega na fondonan riba mercado internacional a wordo severamente limita na momento cu e crisis a drenta. Cu esaki na bista, Fitch a downgrade Aruba den e di tres siman di e pandemia, y a baha e rating dos notch for di BBB- pa BB. Ademas Fitch a pone expectativa pa Aruba riba negativo, pues e expectativa na e momento ey tabata cu e situacion lo por a sigui empeora. Esaki no a sosode.

Reaccion rapido, eficiente y transparente

E raport di FITCH ta confirma cu den e prome aña di COVID Gobierno di Aruba a reacciona rapido, eficiente y a traha den forma pragmatico hunto cu Reino Hulandes pa yega na areglonan di cooperacion cu a sostene nos economia. Nos economia ta fragil bou hopi presion particularmente pa motibo di e nivel halto di debe. FITCH ta adverti cu e nivel di debe ta sigui forma un riesgo grandi pa e credit rating di Aruba. Riba esaki nan ta muestra e posibilidad cu e rating lo wordo positivamente afecta den caso cu e debe nacional cuminsa baha, sea pa motibo di bahamento di gasto of cu asistencia di Hulanda den



refinanciamiento di debe.

Importancia di e rating aki

Kizas ta bon pa para un rato y puntra "Kico rating aki nifica p'ami"? Prome cu tur cos esaki ta indica na inversionistanan cu Aruba ta keda un pais factibel pa inversion apesar di tur reto Aruba a confronta. Inversion kiermen fondonan ta drenta nos economia. E rating pues ta importante no

solamente pa logra haya inversionista nobo, pero tambe pa sigura inversionista local y di

exterior cu ya caba tin placa den nos economia, cu nan inversion ta salvaguardia. Gobierno tambe ta beneficia di un bon rating, ya cu un bon rating ta yuda controla e tasa di interes riba e debe nacional. Nos tin nos dilanti awor e tarea pa reconstrui. Pa e motibo aki durante e aña cu a pasa

Gobierno a atende cu tur inversionista y tur rating agencies na un forma pro-activo y transparente pa sigura nan cu Gobierno di Aruba ta trahando na un manera serio pa por recobra credibilidad financiero y logra estabilidad financiero pa Pais Aruba.



Minister Endy Croes:

TRABOUNAN A INICIA PA CU E MANEHO DI IDIOMA PE FUTURO DI ENSEÑANSA NA ARUBA

Dia 16 di maart a tuma luga reunion pa duna inicio na 'Maneho di Idioma' den Enseñansa na Aruba. Presente ne ocasion special aki tabata Minister di Finansa y Cultura Xiomara Maduro, Departamento di Enseñansa, Inspectie Onderwijs, Departamento di Cultura, UNESCO, Directivanan di scol, Biblioteca Nacional Aruba y expertonan di e materia. Na unda a duna inicio oficial na dos proyecto hopi importante y innovativo pa cu enseñansa:

1. E maneho di idioma den enseñansa 'Taalbeleid'

2. Educacion di cultura

Ambos a wordo trata den e 'Vierlandenoverleg' cu a tuma luga recientemente na Hulanda.

Minister Endy Croes a bisa cu den e 'Tussenrapport Doorlichting van het Arubaanse Onderwijsbestel' a pone hopi atencion riba e tema di 'taalbeleid' y como recomendacion number

un escogencia cla y consecuente pa cu nos maneho di idioma. No obstante cu Gobierno den pasado ta muestra di a scoge pa un maneho multilingual (SAM) cu e idioma materno (papiamento) como e 'instructietaal', no tin un liña cla den e sistema di enseñansa den su totalidad. Recomendacion ta pa haci un escogencia cla riba esaki cu lo bay beneficia Aruba su studiantenan den futuro. Escogencianan cu nos bay haci awe no lo duna un resultado mañan, pero ta bira e inicio di un trayecto pa nos studiantenan por ta exitoso den añanan nos dilanti. Pues nos ta construyendo e fundeshi pa nos yiunan di mañan.

Minister Endy Croes ta reconoce tur e esfuersonan anterior di nos profesionalnan basa riba diferente rapportnan riba e tema aki manera: Habri Porta pa nos drenta (2002) Diversificacion di idioma di instruccion den enseñansa primario



traject in het avo (october 2019)

Examens in het Nederlands voor avo leerlingen (juli 2019)

Kwalificatiedocumenten EPB en EPI

Kerndoelendocument Arubaans Primair Onderwijs Implementatieplan Invoering Kerndoelen Primair Onderwijs.

Maneho di Enseñansa den Transicion cu e Mandatario a presenta den luna di januari di e aña aki ta enfoca riba: PEN 2030, SDG 4 y 'Doorlichting Rapport'. Buscando solucionnan concreto, buscando solucionnan hunto cu tur nos expertonan pa carga esaki pa pone un direccion concreto pa cu maneho di idioma pa e futuro di enseñansa na Aruba

E Comision Nacional a keda instala pa asina cuminsa cu e trabounan necesario. Departamento di Enseñansa ta trek e proyecto aki unda lo bay

reuni cu tur 'stakeholders' y december di e aña aki lo presenta un rapport kico te escogencia di idioma oficial pa cu e futuro di enseñansa di nos pais.



dos a muestra unda tin e necesidad actual; pa

(februari 2016) Taalbeleid voor een nieuw



MINISTER ENDY CROES A REUNI CU DOCENTE DI MUSICA DI KONINKLIJK CONSERVATORIUM NA DEN HAAG

Pa crea posibilidadnan y promove e estudio di musica bou di nos hobennan

: Diahuebs mainta den un esfera ameno Minister Endy Croes a reuni cu sra. Susan Overmeer, Coordinador di Docente di Musica na Koninklijk Conservatorium na Den Haag y Shannon Bueno kende ta den su segundo aña di estudio di docente di musica na dicho scol. Nan a biaha pa Aruba pa asina promove e estudio cerca nos hobennan. Presente ne reunion tabata sr. Carlos Bislip di Scol di Musica, Coordinador di Leerorkest Aruba, sra. Juliette van Romondt y Jaderick Croes. Koninklijk Conservatorium ta un instituto educativo na Hulanda cu ta brinda diferente estudio manera docente di musica y baile riba nivel di HBO. Ora cu e estudiante finalisa e estudio, e ta ricibi diploma riba nivel di 'eerste graads' unda e por duna les for di scol basico, secundario te hasta VWO.

Durante e reunion a elabora riba diferente topiconan manera entre otro; e importancia di tin bon docentenan di musica na Aruba, cu por traha na varios organisacionnan na Aruba, como tambe na Scol di Musica y Leerorkest. Tambe a bin pa dilanti e necesidad di tin docente di musica na Aruba. A dialoga riba e posibilidadnan pa crea



oportunidad y stimula nos studiantenan pa drenta conservatorium unda cu ta existi cu e estudiante mester tin e talento pero alabes ta domina e teoria. E Mandatario a expresa cu nos mester crea un brug unda cu nos musiconan local ta prepara nos studiantenan riba e parti di teoria pa nan por wordo acepta ne scol y asina por tin un carera den futuro.

E ta un trabou di ekipo entre scolnan, musiconan, Cas di Cultura y Leerorkest pa stimula nos hobennan. 'E tabata un bon reunion unda diferente ideanan a bin pa dilanti', e Mandatario a finalisa.



Chauffeur burachi a ocasiona accident na Jaburibari y a haya un free trip cu polis pa warda

Diaranzon madrugá a drenta informe di un accidente na Paradera, mesora a dirigi un patrulla na e sitio. Na yegada di e patrulla a bin constata cu e chauffeur di e mazda3 A20798 bayendo direccion di Jaburibari a baha caminda na man drechi dal riba un mata pega na un cura di cas.

Polis a nota cu e chauffeur ta bao influencia y a detene. Vehículo di transporte a bin busk'e y a hib'e warda di polis na Shaba. Afortunadamente ningun hende a resulta herida.



TIENDA DI EDUCACION SALUD MENTAL & CUIDO PROPIO

Como ser humano nos ta pasa den diferente fase sea den nos bida personal of laboral. Pa un mayor cu ta experiencia cambio y desaroyo di e yiu(nan) esaki por trece inseguridad cu ne. Cambio drastico repentino den cualkier forma por tin un impacto riba nos estado emocional y afecta nos salud mental. Bida awendia ta bay asina acelera den comparacion cu e siglo pasa. Tin asina tanto expectativa y kisas presion sea den bida familiar of tareanan laboral cu por afecta nos salud general. Ta pa e motibo aki ta importante pa para un rato keto y pone enfasis ariba nos cuidu propio y particularmente nos salud mental. Salud mental & cuidu propio Mundialmente y tambe na Aruba e topico di salud mental ta hayando su atencion debido. Esaki ta necesario pa por informa y educa

comunidad di e importancia di mantene un bida saludabel y balansa. Tambe cu no mester tene berguensa si mester busca ayudo. Esaki por ta den un forma profesional pero naturalmente tambe cerca un persona di confiansa cercano cu ta positivo cu bon intencion y motivacion. Nos mester pone atencion na local nos ta come y nos custumber nan. Tambe pa mantene un mente sano y saludabel ta encera pa nos preocupa menos. Hasi ehercicio fisico y mentalmente frecuentemente. Pa e parti fisico un caminata chikito of landamento cortico. Pa e parti mental, sinta un caminda comodo y focus ariba e naturalesa por ehempel. Por hasi un combinacion di ambos mes. Pensamento positivo y halamento di rosea trankilamente tambe ta yuda den e proceso aki. Tempo

liber pa bo mes tambe ta hopi importante, corda ariba bo mes. Corda nos niun no ta perfecto y semper lo siña di cualkier experiencia. Siña conoce bo mes. Trata na evita pensamiento nan menos placentero, focus ariba e positive y laga los na local no ta yuda bo crece. Balansa den bida ta sumamente importante. Ta necesario pa nos como adulto tin nos cuidu propio como un prioridad, asina nos por cuida di nos yiu(nan) y tambe laga nan experiencia y practica esaki. Tienda di Educacion Tienda di Educacion ta brinda sosten of guia na mayor of educador cu tin retonan cu e lantamento di un mucha. Pues mayor bo no ta para boso den esaki. Por tuma contacto cu Tienda di Educacion na 161 cual ta anonimo y cu ta disponibel di dialuna pa diabierna



di 8 am – 6 pm non-stop. Like nan Facebook page pa asina keda informa of comunica tocante tur nan serviccionan. Tambe por bira un follower di nan Instagram. Tienda di Educacion ta situa den edificio di Centro pa Hoben y Famia, Sabana Blanco 68-C y ta na servicio di comunidad. Tur servicio ta gratis.

Ban crea un mundo caminda mayor, educador y tur mucha por expresa nan mes y por disfruta di un bida saludabel. Pa pregunta Yama 161.

TIENDA DI EDUCACION:

E IMPORTANCIA DI NORMA & BALOR DEN BIDA DI UN MUCHA Y SU FAMILIA

Norma y balor, dos palabra cu cana hunto man den man y cu den hopi ocasion ta wordo uza pa e mesun proposito. Pero nos sa e kico ta realmente significa norma & balor? Nos lo por splica nos yiu(nan) kico norma y balor ta encera? Kisas cu e contesta ta un si of kisas simplemente no, nos no sa con y kico pa splica. Pa siguransa Tienda di Educacion ta splica e diferencia y tambe duna algun ehempel den e relato aki.

Norma & Balor

Kico nifica norma realmente? Un norma ta un regla di comportacion cu ta wordo acepta dor di henter un comunidad, por ehempel nos no ta dal otro, nos no ta grita otro of nos no ta uza violencia verbal. Y awor ta kico balor lo significa e ora? Un balor ta un concepto di locual ta wordo desea (un ideal) por ehempel nos ta respeta otro; nos tin tolerancia pa otro, nos tin amor pa nos prohimo. Pues simplemente un norma ta un comportacion cu ta wordo spera di un (grupo di) persona y balor ta e ideal tras di locual ta importante pa un (grupo di) persona.

Tur persona, sea mucha of adulto, tin derechonan fundamental den un sociedad, pero tambe no por keda sin menciona cu tin varios obligacion pa cumpli cu ne den e mesun sociedad. Akinan ta caminda unda norma y balor ta sumamente importante ora ta trata educacion y lantamento di un yiu den e sociedad. Por bisa esaki ta un obligacion cu tur mayor of educador mester aplica den lantamento di un mucha. Corda un adulto ta un ehempel pa muchanan y muchanan ta refleho di locual adultonan ta proyecta.

Tuma por ehempel nos actuacion den trafico vooral ora tin mucha(nan) den cercania. Tin varios ocasion cu errornan ta wordo cometi dor di otro automobilista(nan). Nos como adulto responsabel tin opcion pa

reacciona pasivo of escohencia pa e otro extremo pues agresivo. Un otro opcion ta pa ignora e error y sigui bo caminda. Den hopi paisnan grandi, caminda cu tin trafico pisa constantemente ta papia di e fenomeno di "road rage", caminda cu violencia ta tuma lugar entre automobilistanan na momento di infraccion den trafico. Tin hasta casonan caminda cu ta termina den aggression pisa. Lamentablemente tur esaki ta sosode den presencia di muchanan di tur edad. Norma & balor, e base di un bon educacion pa famia!

Loke bo planta bo ta cosecha

Si bo ta exige di un mucha pa practica norma y balor den su bida abo como adulto tin e tarea di ilustra y proyecta esakinan tambe. Pues sea consciente di bo actuacion y escohencia di palabra. Muchanan lo observa tur movecion y actuacion cu su mayornan ta haci y lo copia sea algun of tur esakinan den un

forma of otro. Sea semper alerta kico un mucha ta observando, kisas ta for di bo mes persona of otro adulto. Comunica y splica e mucha asina bo ta ripara cu e tin duda of pregunta di un topico of actuacion. Muchanan ta mescos cu un spons, nan ta absorba hopi cos y lo crea un pensamiento incorrecto si acaso no ricibi un contesta concreto. Ta pa e motibo aki mayornan y tambe educador tin un tarea importante pa cu formacion di futuro generacion di hoben y adulto.

Tienda di Educacion

Mayor bo no ta para pa e retonan aki boso. Ta tareanan cu por muestra dificil pero Tienda di Educacion t'ey na disponibilidad di comunidad di Aruba pa duna

abo sosten y guia gratis. Por contact Tienda di Educacion na 161 cu ta disponibel di dialuna pa diabierna di 8 am pa 6 pm non-stop. Tambe por bishita nan Facebook page pa comunica of pa keda informa di nan servicionan. Tienda di Educacion ta situa den edificio di Centro pa Hoben y Famia na Sabana Blanco 68-C y ta na servicio di henter comunidad. Nos muchanan ta nos futuro. Ban crea un futuro caminda norma y balor ta wordo practica constantemente. Ban nos tur trata otro cu respet y duna e mihor di nos cu e bon ehempel. E lo ta un inversion den nos mesun perspectiva di mañan y di tur otro dia cu lo sigui despues.

Di kico e base di un bon educacion den
famia ta consisti?



Di Norma y Balor!



Control di plachi number a conduci na detencion di un ilegal



Diaranson atardi polisnan atento di distrito 1 (Oranjestad) a tuma nota di un van Toyota coriendo cu plachi number cu no ta legal, mesora a par'e pa un control.

Ora cu e chauffeur no por a mistra cu e tin un plachi number legal a bay over na pidie un documento

pa muestra cu e ta legal na Aruba, pero tampoco e por a muestra esaki.

Aki ta unda polis a pone boei na su man y a detene. A solicita e vehiculo pa transporta detenidonan y a hibe directamente na warda nos costa pa verifica su status na Aruba of lo expulse pa su pais.



Homber di edad halto a dal abao y corta su cara na Noord



Diahuebs mainta a drenta informe di un caso unda un persona di edad lo a cay y herida su mes bandi Compleho Deportivo Frans Figaroa, mesora a dirigi tanto patruya como ambulans na e sitio.

Na yegada di e patruya a bin encontra e homber memey di poco yerba benta anto su

cara sangrando. Polis a bin compronde cu aki a trata di un homber cu a cana di Oranjestad te nort y pa puro casualidad un homber trahando na un cas den cercania a observa e homber di edad canando y na dado momento a para pa hala un rosea a leun na un auto y a sigui cana den e parti sera cu barancanan ambos banda di caminda y na cierto momento e homber a



cuminsa bay un poco mas liher y a dal abou heridando su mes na su man y cara. Polis a atende na e persona herida y a lante y hibe warda di polis.

Na warda di polis ambulans a presenta y a tuma e victima over y a transporte pa hospital pa tratamento pa su heridanen.

Women's Club of Aruba a instala cinco miembro nobo

Despues di un periodo cu mester a cuida pa motibo di e pandemia, Women's Club of Aruba (WCA) tabata tin e oportunidad atrobe pa instala miembronan nobo. Asina a pasa cu durante reunion general di miembrecia dia 12 di maart ultimo, WCA a instala cinco miembro nobo. E miembronan nobo ta manera ta sigui: Emily Perret Gentil, Charissa Werleman, Rishella Geerman, Neline Brouwers y Mary Taylor.

Ex-presidente, Vivian Storm, kende a fungi como oficial di instalacion, a haci entrega di un pakete cu ta inclui nos constitucion, statuto, directorio anual y boletin mensual, mientras cu presidente Norma Brinkenberg a haci damanan aki miembro oficial, ora el a pin nan cu e broche di WCA. Despues cu cada miembro nobo a haya nan bouquet di flor como aprecio di bonbini fo'i man di vice-presidente Ursly Silberie, tur presente por a sigui disfruta di e platonan crioyo cu The Old Cunucu House a ofrece e dia ey.


Como e tema tabata celebracion di nos Himno y Bandera, Robert Thiel a sa di deleita tur presente cu su musica y canto na Papiamento dedica na nos patria stima.



Angele Geerman, chairman di comision di Program y Jessica Molina, chairman di comision di Grupo di Estudio, a bin riba e idea pa organisa benta di cos dushi tipico pa e ocasion aki, pa asina yuda recauda fondo pa nos uza pa proyecto pa comunidad. Di e forma aki, directiva y miembrecia di WCA a duna un caluroso bonbini na e cinco miembronan nobo.



Minister di Cultura Xiomara Maduro: PROGRAMA 'KIBRA COCO' EDICION HIMNO y BANDERA A RESULTA EXITOSO UN BIAHA MAS. Nos muchanan a siña hopi y a gosa di e programa hunto cu famia



Diasabra ultimo a tuma luga e programa Kibra Coco, Edicion Himno y Bandera y esaki a resulta un biaha mas exitoso. Nos muchanan di scol basico hunto cu famia a participa den e programa di competencia virtual na television. Jean Carlo Espinal tabata conduci e programa y haci e preguntanan di e tres tandanan, e preguntanan tabata concentra riba e tres simbolonan nacional cual ta Nos Himno, Nos Bandera y Nos Escudo. Na comienso di cada tanda a presenta un video clip cu informacion riba nos himno, nos bandera y nos escudo.

E biaha aki a invita e ganadonan di Festival Un Canto pa Aruba su Himno y Bandera categoria Infantil y pre-Hubenil, Qu-Lainey Jansen, Ishem Howell-Brokken y Stephanie Quant, kendenan a presenta nan cancion ganado durante e programa. Pa minister di Cultura sra. Xiomara Maduro tabata un honor y placer

pa por ta presente den e programa cu ya tin su acogida den comunidad pa chikito y grandi. E mandatario a trece dilanti di ta hopi contento cu e programa y como mandatario su maneho ta pa sigui contribui pa nos comunidad wordo bon informa y educa riba historia di nos Dianan Nacional y Fiestanan Cultural di nos Pais. Su mensahe ta pa nos como arubiano stima nos pais Aruba den mente y curazon. Jufrouw Maybelline Arends-Croes kende a forma parti di varios comision pa e inauguracion di nos Himno y Bandera 46 aña pasa, tambe tabata invitado y a comparti un poco di su experiencia.

E resultado di e competencia tabata lo siguiente Prome Tanda na Prome luga a resulta Gerson Winklaar di Maria School, di dos luga Zineidy Croes di Maria Goretti College y di tres luga Javen Croes di Reina Beatrix Basis School.

Den e di Dos Tanda na prome luga a resulta Iva Werleman, na di dos luga Lia-Sophie Richardson di Mon Plaisir Basis School y na di tres luga James Oduber di Scol Basico Dornasol. Pa locual ta e di tres Tanda e resultado ta prome luga Ruggielle Marquez di St. Rosa College, di dos luga John-Maximus Wever di Colegio San Hose y di tres luga Gideon Croes di Maria School. Pa cada tanda tin premio, e prome premio ta consisti di un premio pa e mucha mes, como tambe un premio pa su famia y pa su klas.

Pa di dos y di tres luga e muchanan a gana un premio pa nan mes. Pa locual ta e seccion di Kibra Coco Himno y Bandera Challenge e anfitriona tabata Hilyann Croes kende tabata encarga un biaha mas pa anima esnan na cas pa participa y manda nan potret hunto cu nan mascota y con nan ta pasando. Hilyann Croes tabata presenta e potretnan di tur esnan cu a participa den e seccion aki riba pantaya. Na final e ganado a wordo anuncia cual a resulta di ta e grupo di Maria Camila Delgado, Maria Alejandra Delgado, Meredith Garcia, Isabela Garcia y Euli Escobar.

Tambe durante e programa a anuncia e klas ganador di e Competencia pa klasnan diu scolnan preparario "Un Rima pa mi Isla". Ganado a keda den scol di Arco Iris Kleuterschool y klas di Juf Mariebelle klas roos. Na di dos luga a keda den scol di Arco Iris Kleuterschool y klas di juf Nyree klas blauw. Na di



tres luga a keda den scol di Imelda Kleuterschool y klas di Juf Dani klas 4. Masha masha pabien y danki pa inspira nos muchanan cu tremendo rimanan pa nos isla. E comision organizado ta tumando contacto cu tur ganado pa asina por programa e dia pa entrega di e premionan den siman nos dilanti. Minister Xiomara Maduro ta gradici e tur participante, e team organizado y tur esnan cu a contribui y coopera pa

haci 'Kibra Coco' edicion 'Himno y Bandera' un exito un biaha mas. Danki na CCDN, Departamento di Cultura, comision di docentenan, Telearuba, Setary High Performance. Un danki tambe na Setar, ATA, AAA, Utilities Group forma pa WEB, Elmar y Utilities, APA, Ministerio di Naturaleza, Urataka Center y Aruba Waterpark cu a aporta cu premio pa e ganadonan di Kibra Coco edicion Himno y Bandera.

Awe nos a ricibi e tristo noticia cu Francisco Celeire a bay laga nos

Francisco Celeire ta un icono y ehempel di boluntarismo y cu pasion riba tereno social... Un persona hopi conoci y hopi conoce den nos comunidad como un persona cu curason di oro. Kende ta gusta yuda hende y tabata traha hopi duro pa esnan cu e falta di kere den nan mes y sigui bay dilanti.

Te na edad di 83 aña ainda Francisco Celeire ta traha y duna su aporte na fundacionnan y yuda den tur loke cu e por. Francisco a traha na Samba hopi aña y despues di a baha cu pensioen no a para keto. Pasobra E no tabata kier a keda cas y a traha 7 aña mas cu fundacion Elizier. E tabata un persona cu tabata haci tur cos cu lo bo por pensa for di asuntonan di administracion te na parti cuminda. Unda cu e por a duna un man e semper tabat'ey pa haci esaki.

Francisco tabata un bon consehero y a conseha hopi, principalmente esnan cu di un of otro manera a cay den



adiccion. E tabata eyan pa tuma nan over y papia cu nan. Francisco no tabata papia cu nan so, pero tambe kere den nan y duna nan oportunidad pa sali for di e situacion cu nan ta y asina nan bolbe bek den comunidad. E trabou pa traha cu personanan cu ta adicto

no ta un trabou facil, pero Celeire a demostra den mas cu un ocasion, cu e ta haci e trabou aki cu hopi cariño y pasion pa masha hopi aña largo.

Nos ta expresa palabra di condolencia na henter famia, amigo y conocinan di Francisco. Y tambe

na su ex-coleganan riba tereno social y na un y tur cu den un forma of otro el a contribui den nan bida.

Dios duna bo(so) consuelo

na e momento dificil aki. Cu gratitud pa tur loke el a nifica den nos comunidad y cu Francisco ta den Reino di Señor.

Danki Francisco



Relaciona cu Celebracion Dia di Himno y Bandera 2022: Minister di Cultura Xiomara Maduro a bishita Aruba Adventist Academy



– Siman pasa Minister di Cultura a bishita Aruba Adventist Academy den cuadro di celebracion di Dia di Himno y Bandera. Na su yegada e mandatario a wordo ricibi pa e alumno- y docentenan di e scol. E mandatario a pasa bishita e klas y aki e alumnonan a comparti cu e Minister nan obranan traha en conexion cu Dia di Himno y Bandera, ademas e alumnonan a comparti nan conocimiento, stimacion y aprecio pa nos pais Aruba.

Mayoria di e alumnonan no a nace na Aruba pero a bin biba na Aruba hunto cu nan mayornan cu ta labora na nos pais.

Ta di admira e conocimiento cu e alumnonan tin di nos pais su simbolonan nacional, custumber y cumindanan crioyo. Minister di Cultura Xiomara Maduro a gradici y a comparti cu e alumnonan, expresando un frase na e alumnonan cu nos Libertador G.F. Betico Croes a usa na diferente ocasion: “Arubiano no ta solamente esnan cu nace na nos Pais Aruba, pero arubiano ta tambe esnan cu ta stima y tin Aruba den nan mente y curazon”.

Mustrando cu nos pais ta forma pa diferente persona di diferente nacionalidad cu a bin establece na Aruba y ta biba den union y ta traha y contribui na progreso di nos pais. E staf y alumnonan a keda masha encanta cu e bishita di minister di Cultura y a obsekia e mandatario un regalo.





Auto a wordo kita for di chofer pa motibo cu ningun papel ta na ordo

Diahuebs atardi durante patruya polisnan atento di distrito 1 (Oranjestad) a para pa controla un auto sospechoso den Rudolf Arendsstraat. Ora cu a controla e number a bin descubri cu esaki no ta

cuadra cu e auto y e chauffeur no por a mostra cu e papelnan ta na ordo. No a keda nada otro cu confisca e auto y pidi un takelwagen pa bay cun'e na warda di Balashi.



Ta sigui presenta caso unda ta tira droga den bebida di muher y homber turista



Siman pasa, den madrugada a drenta informe di cu tin un dama pata pata cu ni sikiera sa su adres na Divi phoenix, mesora a dirigi un patruya na e sitio. Na

yegada di e patruya a bin compronde cu e security a mira e dama yega pero tabata perdi e security a acerca e dama pero no por comunica cun'e ya cu

e tabata pata pata. Polis apenas a logra haya sa su adres pa a hibe su cas, e dama a yega cu taxi na hotel pero tabata perdi y despues a dune bebe awa a tranquilisa y a logra haya su adres. Polis como e defensor di pueblo a percura pa su seguridad.

Extra oficial: Informacionnan ta indica cu polis lo a hiba e dama pa hospital pa un control, hopi droga ta ser benta den bebida di muhernan (y tambe hombernan) pa probecha di nan. Pero nos no por a confirma esaki pero lo ta mihor pa tur esnan cu ta



bishita principalmente sitionan nocturno pa no cay den e tranpanan aki! Sea

alerto preveni ta mihor cu lamenta! Nos no kier specula!

SOLO Di Pueblo
BRIYANDO FUERTE • TRECIENDO CLARIDAD

Tip Line 585 9500
solodipueblo@gmail.com

HOTLINE

SOLO Di Pueblo

744-0444

CAPT'E Y MAND'E

Miguel Mansur na Evelyn Wever-Croes: STOP DI GAÑA!

Un rato pasa mi a tuma nota di un comunicado di prensa di Prome Minister Evelyn Wever-Croes ta declara cu ta Griffier di Staten a pidi pa e suspende sra. Arminda "Liesje" Khemlani-Flanegin. E declaracion aki ta un otro ehempel di Sra. Wever-Croes ta expresa un mentira sin misericordia. Sra. Wever-Croes cu no ta forma parti di Commissie Huishoudelijke Aangelegenheden (CHA) ta purba tapa loka ta bisto na tur hende di ta persecucion politico. Diahuebs ultimo tur hende na Staten a keda sorprendi cu e prohibicion di acceso na edificio di Parlamento emiti na Sra. Khemlani-Flanegin, firma pa Prome Minister.

E mesun dia Gabinete Wever-Croes a publica e acusacion contra Sra. Khemlani-Flanegin sin cu CHA mes a wordo informa cu 1) tabata tin un keho entrega y 2) cu un carta di prohibicion di entrada a wordo emiti. Ban pone un banda e supuesto acusacion di a haci trabaonan politico cu ta un ehempel di hipocresia sin precedente. Ban pone DRH su credibilidad un banda apesar di un sin fin di caso di persecucion politico cu nan ta complice aden.

Despues di supuestamente a ricibi un keho, DRH lo a cuminsa un investigacion. Na momento cu e keho a wordo entrega e lo mester a keda trata den CHA pero esey no a sosode. E mesun dia cu a firma e carta di prohibicion di entrada, Gabinete Wever-Croes ta

publica e acusacion sin cu CHA mes a wordo informa y alabes nan kier hunga rol di judge, jury y executioner. Despues Voorzitter di Staten ta duna un entrevista indicando cu ta toca Sra. Wever-Croes firma e carta paso Parlamento no ta independisa, otro mentira flagrante. Den e mesun rosea e kier menciona e palabra integridad mientras ni su persona ni Prome Minister ta gosa di un gota di integridad.

Manera mi a declara previamente, falsedad ta parce di ta contagioso. Cu su cualificacion huridico tur desacredita cu por tin pa Raad van Advies, awor Voorzitter di Staten kier bay defende e susedidonan a base di mas mentira. Hopi di nos den Parlamento ta sospecha su persona di ta tras di e persecucion di Liesje. Pa bo ta integro bo mester ta honesto, e realidad cu ta keda comproba repetidamente ta cu ni sr. Vrolijk y tampoco sra. Wever-Croes ta papia berdad. Mi a yega di vocifera den Parlamento cu Minister President tin un relacion turbolento cu honestidad, nan ta gusta bandona otro y esey a bolbe keda proba cu su ultimo relato.

Cada biaha mi pensa cu sra. Wever-Croes a toca fondo cu su falsedad y ganamento e ta sigui coba un buraco mas hundo. Tarde o temprano e berdad semper ta sali. Sigur cu ta un lastima cu un empleado fiel di Parlamento pa mas cu 30 aña ta wordo perhudica paso kisas ya e no

ta sostene e gobierno na mando. Cu awor Prome Minister ta purba involucra Griffier di Staten den su mentirananan sigur ta lamentabel. Cu e bendicion di su marionetanan nan ta categoricamente purba desmantela nos sistema constitucional di checks and balances a base di manipulacion y mentira.

Mientras Gabinete Wever-Croes su desesperacion ta sigui crece pa escasez di fondo, escasez di capacidad y escasez di un minimo plan pa rescata nos



pais, nos lo por spera mas actonan di cobardia. Accion21 sigur lo sigui pendiente pa lucha contra e

abuso di poder, corrupcion y nepotismo cu ta defini e gobierno actual.

27 MAART 2022

BO ESTILO DI BIDA TA BO SALUD!

Expo Salud

- CHECKEMENTO DI PRESION
- CHECKEMENTO DI SUCU
- CONSEHO RIBA NUTRICION
- CONSEHO RIBA SALUD MENTAL
- MASASHI DI RELAHACION
- BENTA DI PRODUCTONAN NATURAL
- BENTA DI CUMINDA VEGETARIANO
- BENTA DI BUKINAN DI SALUD

9:00AM-4:00PM

Club Caiquetio

Paradera 47-A (Pabou di Misa Catolico Paradera)

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

DEPARTAMENTO DI SALUD PUBLICO TA ALERTA RIBA ANDANZA CU TA CAUSA MALESTAR GASTRO-INTESTINAL

Departamento di Salud Publico DVG pa medio di e relato di prensa aki kier alerta comunidad cu ta circulando informacion den nos comunidad riba posibel aumento di casonan di diarea compaña pa sacamento y/of sintomanan di griep.

Departamento di Salubridad Publico no tin registro of melding di e situacion aki, y ta asumi cu su comportacion ta leve, autolimita y cu ta wordo maneha ambulatoriamente pa esnan cu ta afecta.

Mester tene na cuenta cu diarea agudo of Gastroenteritis por tin complicacion pa cierto tipo di persona, manera mucha bou 5 aña, adultonan mayor y/of esnan cu tin un condicion di salud.

Ta recomendabel, si un persona of grupo di persona ta haya sintomanan di Gastroenteritis (specialmente personanan cu tin un condicion di salud) consulta cu dokter. Na su luga, e dokter concerni lo manda un registro/melding pa DVG; pa asina nos Departamento, por monitor e malesa aki y informa debidamente sector medico pa tuma medidadnan di diagnostico, tratamiento, como tambe informa comunidad debidamente pa prevencion.

Malestar gastrointestinal ta wordo ocasiona entre otro pa un of mas micro-organismo manera virus, bacteria of paraisito, sea directamente of indirectamente via nan toxanan. Transmission di micro-organismonan ta sosode door di e mannan y/of consumo di bebida of cuminda contamina. Tambe transmission por sosode na momento cu un duna-

do di cuida cambiando un pampers of haciendo limpi un saca, tampoco ta laba su man suficientemente bon cu awa y habon. Di e forma aki e persona afecta despues di bay wc of e dunado di cuida ta transferi e micro-organismo pa un otro superficie caminda cualkier otro persona ta pasa piki esaki y pa via di nos boca e micro-organismo ta drenta un otro persona su sistema.

Na momento cu e micro-organismo drenta nos sistema e ta ocasiona do-

lor di barica, keintura, diarea y sacamento. Den casonan extremo of cerca mucha, e persona por hasta deshidrata debi na cantidad grandi di likido cu e ta perde door di keintura, sacamento y diarea.

Pa evita transmission di malesa gastro-intestinal ta importante pa pone extra atencion na nos higiena di man. Labamento di man cu awa y habon prome cu come, despues di bay wc y durante cualkier ora di dia, ta yuda minimalisa e riesgo pa

haya malestar intestinal pero tambe diferente otro malesanan manera entre otro Influenza, COVID y otro.

Na momento cu un persona tin diarea cu of sin sacamento ta importante pa:

- Evita di bay trabou of di hiba un mucha malo scol of kresh.

- Vigila e persona bon pa evita deshidratacion, specialmente mucha y hende grandi. Percura pa e persona/mucha bebe hopi

likido, por ehempel awa, juice di apple, buyon di sopi, pedialite y mas. Si e persona no tin apetit pa come ta ok pero ta importante pa e bebe hopi likido.

Pa mas informacion, like nos Facebook page Directie Volksgezondheid DVG Aruba, subi nos website www.dvg.aw of yama nos na 5224200

GASTROENTERITIS

e sintomanan

Sea atento!



Sacamento



Keintura



Diarea





9 cos cu spinia por causa na bo cara

Bo a puntra bo mes pakico e puntanan preto cu ta haci bo cara mahos, ta aparece constantemente? Spinia na cara, ta contrario di loke ob ta pensa, no ta producto di sushedad ni falta di higiena.

Su causantenan tin otro origen cu ta bon pa conoce pa combati nan miho. E foliculonan piloso cu tin den cada porio ta produci vet pa lubrica e cabey y cuero. Cu e cambionan hormonal, e glandulanan sebacio por altera y produci cu e vet ta aumenta.

Esey ta ocasiona cu e porionan di e cuero ta plug y ta atrapa e celnan morto y bacteria. Ora e blokeo tuma lugha bao di e cuero, e puntanan no ta bira scur y ta produci e asina yama puntanan blanco.

Esakinan, dor di no ta exponi, tin menos probabilidad di infecta.

Kico ta causa spinia na cara

Awo cu nos sa cu e spinianan ta wordo produci pa e exceso di e vet cutaneo, mester determina e rasonnan cu ta causa e hiperactividad den e glandulanan sebaceo pa sa pakico e puntanan preto aki ta aparece.

1. Cambionan hormonal

E cambionan hormonal parece tin un efecto significativo den acne, en especial den adolescencia, muhe of e tumamento anticonceptivo.

- Pa e edad

Esaki ta e rason pa cual e spinianan den cara ta aparece mas durante pubertad. Den e etapa di bida aki, androgenonan, hormonanan sexual masculino, ta stimula e produccion di sebo y di celnan, tanto den hende homber como den hende muhe.

- Di e hende muhe

Tambe tin alteracionnan hormonal durante embaraso y den e periodonan menstrual cu por afecta e glandulanan sebaceo, loke por yuda den e aparicion di spinia.

- Door di pildonan anticonceptivo

Igualmente, e pildonan anticonceptivo y otronan basa riba hormoon, por incidi den e aparicion di spinia. Vooral riba esaki tin estudionan contradictorio, ya cu algun ta considera cu e pildonan anticonceptivo ta reduci e aparicion di acne.

E clave parece ta den e hormoonnan



cu e diferente marcanan di pildo ta contene.

2. Makeup

Makeup ta plug porio y ta facilita e produccion di bacteria y di celnan morto. Esaki, obviamente ta faborece e aparicion di spinia den cara, principalmente ora esaki wordo laga durante henter un anochi y no ta haci e cara bon limpi.

3. Sodo

Otro causante di acne ta sodo, aunke pa diferente rason. Sodo acumula den e cuero ta causa aparicion di un yeast yama *Pityrosporum folliculitis*, cu ta irita e cuero y ta obstrui e porionan.

E acne produci pa sodo ta aparece mas riba lomba, brasa y pecho, pero tambe e por afecta e cara.

4. Mishu cu e cara y primi e spinia

Mishu cu e cara y rementa e spinianan ta crea un ambiente propicio pa crecimiento di bacteria cu ta causal y inflama acne.

Mishu cu e cara no ta crea spinia ni puistjes. Tampoco door di priminan. Sin embargo, e accionnan aki ta crea un campo apropiado pa su aparicion.

Door di pasa man riba e cara, ta laga un rastro di sushedad, bacteria y vet cu ta contribui na obstrui e porionan y ta blokia e salia natural di e vet cutaneo.

Manera cu ya nos a mira, e retencion aki ta caba den originando e spinianan. Igualmente, door di primi un spinia of puistje, no solamente nos ta laga e vet y e bacterianan di nos man riba e cuero, sino cu ademas, nos ta causa un iritacion pa e efecto di e presion cu ta faborece e ambiente

pa spinianan nobo.

5. Stress

Aunke no tin prueba concluyente, algun dermatologo ta considera cu stress ta crea un campo faborabel pa e aparicion di spinia, debi cu e por aumenta e produccion di cortisol y estrogeno.

Tin ademas otro dos rason pa liga e stress na e spinianan y acne. "E glandulanan sebaceo tambe ta organonan inmuno y por crea inflamacion y exacerba e inflamacion di e cuero," segun dermatologo Adam Friedman, di e Universidad di Georgetown, kende ta sigura cu esey lo ta un causa.

E mesun Friedman ta apunta na un otro teoria. "Hende cu stress tin e tendencia di hiba e mannan mas na e cara y rasca, esey ta yuda na e aparicion di acne y ta irita e cuero."

6. Cuminda y e aparicion di spinia na cara

E pruebanan di e efectonan di e dieta den e aparicion di acne, no ta concluyente. Sin embargo, e Academia Americano di Dermatologia (AAD), ta considera cu tin indicionan claro cu por tin un influencia importante.

Pa e rason aki, AAD ta recomenda reduci alimentonan cu un indice halto glucemico y graso. "Ta necesario mas estudio, pero cada persona por ta su propio detective y analisa ki cumindanan ta stimula e aparicion di acne."

7. Huma

Tabaco por altera e produccion di vet y estructura di e cuero, faboreciendo e aparicion di acne.

Varios estudio ta conclui cu humadonan tin un tendencia halto na e aparicion di spinia. Tabata lo

ta causa di un tipo di acne yama "acne inverso."

Esaki ta consisti den e blokeo di e porionan for di pafu pa paden causando un sobreproduccion di cuero exterior.

8. Uza sombre

Sombre riba su mes no ta causa spinia, sin embargo, su uzo ta haci cu e cuero di cabes ta soda mas y e sodo eynan ta baha pa e frenta y e resto di cara. Manera nos a splica, e sodo ta contribui den blokia e porionan y ta faborece e aparicion di spinia den cara.

9. Uza celular

Tin un celular pega na e cauchi, mientras cu nos ta papia, tambe ta produci sodo y ta blokia e porionan. Ademas, ta den constante exposicion na e ambiente, mannan y e diferente superficienan den cual ta warda of ta laga, ta acumula sushedad y bacteria, cu por wordo traspasa pa e cuero cada biaha cu nos papia.

Con pa disminui e aparicion di spinia den cara

Un rutina di limpieza facial ta yuda controla adecuadamente e produccion di vet y e formacion di spinia.

E alteracionnan hormonal semper por causa e aparicion di spinia, pero si nos por evita e factornan di riesgo siguiendo algun conseho.

- Laba e cara bon cu awa y habonnan neutral.
- Uza exfoliantenan pa cuero.
- No primi e spinianan.
- Laba e mannan bon prome cu mishu cu e cara.
- Mantene e cabey limpi.
- Uza makeupnan sin azeta y hacinan bon limpi prome cu drumi.
- Laba e cara cu awa y habon neutral despues di haci ehercicio of soda hopi.
- Revisa e dieta.
- Stop di huma.
- Uza sombre cu espacionan ventila.
- No pega e celular na e cara.

Si e spinianan den e cara ta hopi recurente, miho cos ta consulta cu un dermatologo cu por duna nos conseho riba tratamentonan adecua pa e diferente tiponan di cuero.

FOR SALE

Commemorative coins for collection
75 anniversary Aruba Bank Silver
75 anniversary CMB Bank Silver
50 anniversary
Lago 1924-1974 copper Best offers

Cel 5972155

OPORTUNIDAD PA TRABAO

Tin oportunidad pa trabao pa un
kokki/cocinera y helper di cumind-
anan crioyo pa un Take Away.



**Pa informacion por
wasap 746-3571**

E HENDE MUHE

E hende muhe cu character
ta fuerte y balente.
E hende muhe independiente
mayoria ta inteligente.
E hende muhe orguyoso
cu por ta rebelde, pero generoso.
E hende muhe cu curason di oro
cu amor complaciente y profundo.
E hende muhe amoroso
cu ta un mama perseverante y exitoso.
E hende muhe un ser humano special,
un persona pa semper den nos mente y curason.
Feliz dia Internacional di hende muhe 2022
Lady Ari

FOR SALE - FOR SALE - FOR SALE



Ford Shuttle Bus 2006 ~ E450 diesel
Prijs reduci: Afl. 15.000
Perfecto pa snack truck

739-0101

**Pa abona na
SOLO DI PUEBLO**

**Yama
585 9500
of manda nos un
e-mail na
solodipueblo@gmail.com**

*Entrega tur dia te den
bo port'i cas*



Servicio na Comunidad

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Tiplijn	11141

Ambulance San Nicolas	584-5050
Ambulance Sasaki	582-5573
Ambulance Wayaca	582-1234


Horacio Oduber Hospital	527-4000
Centro Medico San Nic.	524-8833
SVB AO Ziekmelding	527-2782

Servicio nan

Elmar storingdienst	523-7147
Web storingdienst	525-4600
Setar storingdienst	117
Digicel	145
Reina Beatrix INT Airport	524-2424
Serlimar	584-5080
Arugas	585-1198
Guarda nos costa	913

Aurora Funeral Home	5 8 8 -
6699	
Royal Funeral Home	5 8 6 -
4444	
Ad Patres Funeral Home	584-2299
The Olive trees Funeral Home	582-0000

Fundacion	
Rode Kruis	582-2219
Fada	583-2999
Fundacion Respetami	582-4433
Fundacion Guiami	587-1677
Muhe den dificultad	583-5400
Telefoon pa hubentud	131
Centro Kibrahacha	588-3131
Stichting Bloedbank	587-0002
Mary Joan Foundation	5 8 8 -
9999	



VALIDO TE DIALUNA 28 DI MAART 2022, 18:00 ORA.

TEMPO:

AWE ANOCHI: PARCIALMENTE NUBLA Y GENERALMENTE SECO
DEN MARDUGA I MAYAN: PARTLY NUBLA CU UN POSIBLE
AWACERO PASAJERO

TEMPERATURA MAXIMO 32 GRADO CELSIUS
TEMPERATURA MINIMO 26 GRADO CELSIUS
INDICE DI CALOR (HEAT INDEX) DEN Y ROND
DI ORANAN DI MERDIA: 33 PA 36 GRADO CELSIUS
UV INDEX: 12

BAHADA DI SOLO : 6:51 PM
SUBIDA DI SOLO : 6:39 AM

BIENTO:

MODERA TE BASTA FUERTE FOR DI OOST;
FORSA 4 TE 5 (20 TE 39 KM/ORA, 11 TE 21 NUDO).
DEN DIA FUERTE TE POSIBLEMENTE DURO DEN RAFAGA;
FORSA 6 TE 7 (40 TE 61 KM/ORA, 22 TE 33 NUDO).

SITUACION GENERAL DI TEMPO PA PROXIMO 24 ORA:
E AREA DI PRECION HALTO RIBA ATLANTICO A DEBILITA
UN POCO PERO LO SOSTENE UN BIENTO MODERA TE BASTA
FUERTE Y FUERTE TE POSIBLEMENTE DURO DEN RAFAGA.
MAS ALEU POR BISA CU UN ATMOSFERA REGIONAL
RELATIVAMENTE SECO LO LIMITA ACTIVIDAD DI
AWACERO DEN PROXIMO 24 ORA.

CONDICIONAN MARITIMO/ ESTADO DI LAMA:
NA PARTINAN PROTEJE DI COSTA: LEVE
NA PARTINAN ZUID: TRANKIL TE MODERA
NA PARTINAN OOST TE NOORDWEST DI COSTA:
GENERALMENTE MODERA.

OLANAN LO TA ENTRE 4 PA 6 PIA

AVISO/ ALERTA:

OCUPANTENAN DI BOTO CHIKITO MESTER BAI CU
CAUTELA NA PARTINAN OOST TE NOORDWEST DI
COSTA Y LAMA HABRI.

FENOMENONAN SPECIAL
NINGUN

POTENCIAL DI AWACERO PA PROXIMO 24 ORA:
MENOS CU 1 MM; LOCALMENTE ESAKI POR VARIA.

REGISTRACION DI TEMPERATURA (GRADO CELSIUS) Y
AWACERO (MM) DEN ULTIMO 24 ORA (8'AM PA 8'AM):


AIRPORT : MAX 31 / MIN 26 / 0.0 MM
WESTPUNT: MAX 32 / MIN 26 / 0.0 MM
STA ROSA: MAX 32 / MIN 26 / 0.0 MM

PRONOSTICO DI TEMPO PA PROXIMO 3 DIANAN:
PARCIALMENTE NUBLA CU UN AWACERO PASAJERO.
BIENTO LO TA FOR DI OOST Y MODERA TE BASTA
FUERTE, FUERTE TE POSIBLEMENTE DURO DEN
RAFAGA; TEMPERATURA (GRADO CELSIUS)
MAX / MIN LO TA: 32 / 26

Clasificados



SOLODIPUEBLO@GMAIL.COM
CEL.585 9500



SERVICIO Y COMPRA

SOLO De Pueblo OBITUARIO

Publica serka nos anuncio di fayecimento di bo ser keri.
Nos tin 2 pakete pa ofrece

Pakete 1: Anuncio di fayecimento te dia cu e defunto
ser dera
Gradicimento y invitashon pa misa pa 3 dia Afl 250,00

Pakete 2: Anuncio di fayecimento te dia cu e defunto
ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina
na 585-9500 of na 741-4554 puntra pa
Jamila Henriquez

Restaurant, Take Away, Snack, SuperMarket, SanckTruck

Special special special.... Take away box;
Size 8x8 - 9x9 - 9x6- 6x6



Cumpra 25 haya 3 box free

Free delivery.....
Prijs cuminsando di Afl 45.00
Info wasap 7390101

TA HUUR

den CENTRO COMERCIAL
NOORD un localidad
di 120M
Bon situa, pa mas
info yama: **592-3327**



Ta huur edificio comercial



Bon pa Supermarket,
Mini Market, Laundry,
Hardware Store, fruteria,
etc etc.

200 m2 - hopi grandi


Situa riba main road di Sta cruz...
hopi lugar pa parkeer..

Info line & wasap 7390101

Clasificados



SOLODIPUEBLO@GMAIL.COM
CEL.585 9500



Homber a dal abao den stadionweg



Diahuebs atardi a drenta informe di cu un persona a dal abao den Stadionweg, mesora a dirigi un patruya

na e sitio. Na yegada di e patruya a bin compronde cu aki ta trata di un persona di edad cu lo a perde

balans y a dal abao.


E mironesnan cu a mir'e a hala e homber un banda

kit'e for di solo y pone den sombra. Polis na e sitio ta kere cu e homber lo a haya un leve atake y a pidi ambulans pa bin atende.

Na yegada di e ambulans nan a atende e homber y a bay cun'e na hospital pa tratamento mas avansa.

SOLO Pueblo

Jeep Wrangler cu a cab'i sali di garage a vlam na candela riba Lg Smith Blvd



Diaranzon atardi a drenta informe di un auto na candela riba L. G. Smith Boulevard. Mesora a dirigi tanto polis como brandweer na e sitio. Na yegada di e patruya a bin compronde cu un Jeep blanco cu recién a sali for di garage lo a cuminsa saca huma

y despues pega candela. E chauffeur a baha for di auto y a purba pag'e cu un fire extinguisher pero e candela a sende bek. Na yegada di e brandweer nan a combati e candela. E parti dilanti unda e motor ta a keda completamente kima.



Chofer Hulandes Europeo a pasa riba rotonde y su auto a pega na candela

E tabata hopi altera y a wordo deteni



Diaranzon madruga a drenta informe di un accidente cu hende herida y e auto a pega candela na e rotonde pabao di F.T.A. na Sanicolas, mesora a dirigi tanto polis, ambulans como tambe bomberonan na e sitio. Na yegada si e patruya a nota cu e auto

Chevrolet Aveo A52573 ta completamente na candela y a pasa casi full over di e rotonde y e chauffeur tin kap na cabes y tabata pafor di e auto. Na yegada di e ambulans nan a atende e victima na e sitio mes. Na yegada di bombero nan a paga e candela y a pidi El-

mar bini na e sitio ya cu ta e palo di lus otro banda di e rotonde a wanta e auto biniendo for di pabao.

Despues cu ambulans a atende e victima na e sitio mes polis a detene e chauffeur pa a core bao influencia y ocasiona un

accidente. E chauffeur un hulandes europeo tabata haci masha dificil y tabata

hopi fastioso pero asina mes polis a detene y a bay warda di polis cun'e.



Lotto MERDIA
MAART 26

CATACHI		
Sorteo # 3513		
7978		
6050		
2102		
MULTI X		
FP		
BIG 4		
Sorteo # 3513		
7472		
10FF		
Sorteo # 1569		
7319		
ZODIAC		
Sorteo # 3513		
7677		
Tauro		
LUCKY 3		
Sorteo # 387		
391		
MULTI X		
X2		

LOTTO 5		
Sorteo #	Joker	Letter
0 x Jackpot	Proximo Jackpot	
0 x Match 4+	330.000,-	
0 x Match 4		
0 x Afl. 12,00		

LOTTO DIA		
Sorteo #		
0 x Jackpot	Proximo Jackpot	
0 x Match 4	104.000,-	
0 x Afl. 8,00		

MEGA		
Sorteo #	Mega Ball	
0 x Jackpot	Proximo Jackpot	
0 x match 4	500.000,-	
0 x Afl. 500,00		
0 x Afl. 50,00		
0 x Afl. 15,00		

MEGA PLUS	Afl. 925.000,-	
------------------	-----------------------	--

KORSOU		
Sorteo #		

Lotto ANOCHI
MAART 26

CATACHI		
Sorteo # 7599		
4123		
5026		
0128		
MULTI X		
X2		
BIG 4		
Sorteo # 6643		
4467		
10FF		
Sorteo # 1348		
8039		
ZODIAC		
Sorteo # 5402		
5687		
Libra		
LUCKY 3		
Sorteo # 332		
438		
MULTI X		
X2		

LOTTO 5	04-11-22-27-32	
Sorteo # 2271	Joker	14 Letter C
0 x Jackpot	Proximo Jackpot	
1 x Match 4+	340.000,-	
0 x Match 4		
165 x Afl. 12,00		

LOTTO DIA	11-12-13-16-23	
Sorteo # 5719	Proximo Jackpot	
0 x Jackpot	111.000,-	
4 x Match 4		
243 x Afl. 8,00		

MEGA		
Sorteo #	Mega Ball	
0 x Jackpot	Proximo Jackpot	
0 x match 4	500.000,-	
0 x Afl. 500,00		
0 x Afl. 50,00		
0 x Afl. 15,00		

MEGA PLUS	Afl. 925.000,-	
------------------	-----------------------	--

KORSOU		
Sorteo #		

Paga bo cuenta
online ta facil

Sea
Abonnement
of Aviso

Pago online,
facil y lihe

Pa hasi pago online pone number y adres na
cuenta di banco RBC Sunmax Printing
account # 7700000100152447

Lotto MERDIA
MAART 27

CATACHI		
Sorteo # 3514		
0998		
4219		
0315		
MULTI X		
X2		
BIG 4		
Sorteo # 3514		
1523		
10FF		
Sorteo # 1570		
7174		
ZODIAC		
Sorteo # 3514		
1727		
Virgo		
LUCKY 3		
Sorteo # 388		
937		
MULTI X		
X2		

LOTTO 5		
Sorteo #	Joker	Letter
0 x Jackpot	Proximo Jackpot	
0 x Match 4+	340.000,-	
0 x Match 4		
0 x Afl. 12,00		

LOTTO DIA	03-12-16-26-30	
Sorteo # 5720	Proximo Jackpot	
0 x Jackpot	119.000,-	
9 x Match 4		
171 x Afl. 8,00		

MEGA		
Sorteo #	Mega Ball	
0 x Jackpot	Proximo Jackpot	
0 x match 4	500.000,-	
0 x Afl. 500,00		
0 x Afl. 50,00		
0 x Afl. 15,00		

MEGA PLUS	Afl. 925.000,-	
------------------	-----------------------	--

KORSOU		
Sorteo #		

China halla 1.217 nuevos casos locales de covid-19 y 4.333 asintomáticos

La Comisión Nacional de Sanidad de China anunció este domingo la detección de 1.254 nuevos positivos del coronavirus sars-cov-2 este sábado, 1.217 por contagio local y el resto, importados.

Los lugares que registraron las cifras más altas de contagios fueron Jilin (noreste, 1.071), Shanghai (este, 47), Liaoning (noroeste, 28), Tianjin (noreste, 16) y Henan (centro, 14). Las autoridades sanitarias también informaron hoy de la detección de 4.448 casos asintomáticos, 4.333 por contagio local, aunque Pekín no los computa como casos confirmados a menos que manifiesten síntomas.

Destacó el número de positivos asintomáticos

detectado en Shanghai (este, 2.631) a raíz de un brote contra el cual las autoridades están implementando confinamientos selectivos en algunos vecindarios afectados.

El total de este tipo de infecciones en observación es de 34.508, de las que 1.338 proceden de otros territorios.

China, que aplica una severa política de «tolerancia cero» hacia el nuevo coronavirus, atraviesa una oleada de rebrotes atribuida a la variante ómicron que está provocando cifras récord de contagios no vistas desde el inicio de la pandemia en la primera mitad de 2020.

La Comisión Nacional de Sanidad también detalló




que, hasta la pasada medianoche local (16.00 GMT del sábado), se dio de alta a 999 pacientes tras superar con éxito el covid. El número total de contagiados activos en la China continental asciende a

27.567, 53 de los cuales se encuentran graves.

Según las cuentas de la institución, desde el inicio de la pandemia, se infectaron 143.240 personas en el país, entre las que 111.035 han logrado sanar

y 4.638 fallecieron.

Hasta la fecha se ha realizado seguimiento médico a más de 2,2 millones de contactos cercanos con infectados, de los cuales 382.398 continúan en observación.



Despues di 'Move Tur Montaña' i 'Nunka Entrega', Shamiro ta lansa "SIGUI PA DILANTI"

Willemstad – Después di su hitnan manera "Move Tur Montaña", "Nunka Entrega" i "Un Brasa So Mi Ke" awor Shamiro Anita, e kantante di Gospel di Kòrsou, ta bolbe lansa su tremendo kantika i videoclip nobo-nobo titulá "Sigui Pa Dilanti". E mensahe spesial di Shamiro den e kantika aki ta: maske bo trompeka i kai, maske tur speransa mester bai, maske hende lanta kontra bo, i maske ku e dolo no tin fin, no stòp di perseverá, no wak patras i SIGUI PA DILANTI. Paso ku Dios e bataya ta gana i tin un futuro briante ta warda bo.

Ta trata aki di un kantika ku Shamiro ta lansa, despues ku e la bin ta expandé su musika na Spaño riba nivel internashonal, ku kantikanan manera "No Soy Igual Que Ayer", "Volare" i "Guiame". Tur su kantikanan na spaño a logra yega te den e tòp di musika na entro otro Medellín Colombia, i ta hitnan grandi riba Youtube.

Den e tempunan disifil ku nos aki na Kòrsou i mundu kompletu a pasa i ta pasando aden, Shamiro su musika ta sigui yuda hopi hende tantu lokal komo internashonal. E tremendo videoclip di e kantika nobo aki ta motiva i pusha

pa lanta para, no entrega, no wak patras i kontinua, paso awor ta e momentu pa "Sigui pa Dilanti". Shamiro ta gradisi Dios na promé lugá i tur hende ku ta sostené, wak, skucha, i/of kompartí su musika. Su orashon ta pa mas i mas hende rònt mundu keda bendishoná pa medio di e mensahenan positivo di Dios den su musika. P'esei su petishon ta pa tur hende sigui kompartí su kantikanan i videoclipnan ku otro pa asina mas i mas hende rònt mundu por "Sigui pa Dilanti", paso ku Dios e bataya ta gana. Por wak e videoclip "Sigui Pa Ditantí" i tur Shamiro su videoclipnan



riba youtube na https://www.youtube.com/watch?v=KgYT_hwP6go of buskando Shamiro Anita.

Riba e potret por mira

Shamiro durante grabashon di e videoclip "Sigui Pa Ditantí" den Sentro Deportivo Kòrsou (SDK) i Immartial Boxing Ring.



Un terremoto de magnitud 6,2 causa daños en edificios del norte de Ecuador

Un terremoto de magnitud 6 en la escala de Richter sacudió en la noche del sábado la región ecuatoriana de Esmeraldas, en el norte del país, y ha causado daños en inmuebles de la zona, aunque por el momento no hay información sobre daños personales. Bomberos han atendido avisos por paredes hun-

didas, cascotes caídos dentro de viviendas e incluso fachadas derrumbadas y están revisando las estructuras en busca de posibles riesgos, ha explicado el comandante de Bomberos en Esmeralda, Miguel Perea, citado por el diario ecuatoriano 'El Universo'.



El seísmo se registró a las 23.28 del sábado y se sintió en 63 cantones de 11 provincias de Ecuador.

Tras el temblor principal hubo otros de 3,9, 5,1 y 3,5 de magnitud. Las familias han dormi-

do en la calle por miedo a nuevos corrimientos y algunas han sacado sus enseres de las viviendas



Ataque contra la policía en Bogotá deja un niño muerto y doce heridos



Un niño de 12 años murió y otras 12 personas resultaron heridas en un ataque con explosivos contra un puesto policial en Bogotá, informaron autoridades este domingo. "Lamentamos el fallecimiento de un pequeño de 12 años (...) este hecho deja un saldo parcial de 7 adultos y 5 menores lesionados", indicó la estatal Personería de Bogotá en un mensaje de Twitter

publicado la madrugada del domingo. Según la Alcaldía de la capital colombiana, entre los heridos se cuenta un policía que está "fuera de peligro". El menor falleció mientras era atendido en un hospital de Ciudad Bolívar, un barrio popular que, con este, ha sido objeto de dos ataques similares en el último mes. En la detonación más reciente, el explosivo fue

"colocado en la parte posterior" del puesto de policía, camuflado "en una maleta que se activa cuando se hace una llamada", explicó a medios el ministro de Defensa Diego Molano. Se trata del "mismo mecanismo" usado en el ataque contra otro puesto policial de la zona el pasado 5 de marzo, denunció Molano. Las autoridades no dieron indicios sobre los autores del atentado, pero ofrecieron una recompensa equivalente a 80 mil dólares por información que lleve a su captura. Colombia atraviesa por el peor rebrote de violencia tras firmar la paz con la guerrilla de las FARC en 2016. En varios puntos la seguridad se ha deteriorado todavía más de cara a las elecciones presidenciales de finales de mayo.

LEY CU TA LIMITA UZO DI PRODUCCIONAN DI

TABACO

PROTEHANDO SALUD PUBLICO

5 Ta prohibi pa vende of duna produccionan di tabaco den: Instancianan di gobierno of medico, instancianan di cultura y arte; den instancianan deportivo y den instancianan educativo

DVG AROBA, CAYI P D TABACO

HALA ROSEA LIBREMENTE

FORTALEZA PA FAMILIA Scirbi pa Pastor Marcel Balootje. UN BOCA POSITIVO

Bon dia bendicion pueblo di Aruba sea bendiciona den nomber di Cristo Hesus, y e bendicion di Dios alcansa bo bida, bo cas y bo familia.

Hopi hende no sa cuanto daño nan boca por haci of tin biaha nan ta haci pa malo, y despues nan ta spera bon pa nan mes.

Bo no por papia malo di hende y spera bon ta bin pabo, bo no por persigi hende y spera paz, pasobra beibel ta bisa cu esun persigi otro lo no tin paz, pasobra tur locual hende sembra nan lo cosecha.

Rey Saul a persigi David pa mas cu tres anja y nos tur a mira con e a termina. Absalon a persigi su tata David y nos tur sa con e a termina. Tur dos tabatin final hopi tristo.

Hebreonan 12 ver 14, ta splika nos con Dios kier pa nos biba y den tur beibel e ta para mesun no ta importa cual ta bo religion.

Insulto, Abuso verbal y fisico, maldicion, traicion y desunion, no ta drenta den presencia di Dios, y si e actitud ey ta biba den un persona constantemente e persona ey mester busca Dios y pa arrepentimiento drenta su curazon.

Si bo mes ta papia contra bo Familia, contra bo mesun sanger, bo no por spera Adelanto den bo bida, pasobra dicon tur hende ta malo y bo so ta bon? Locual bo tin di haci ta haci oracion pa bo cas, pa Dios tene misericordia di abo mes y bo cas.

Pasobra como Mayor bo no ta yama pa kibra, bo ta yama pa construi, pasobra bo ta yama pa para na cabes, y si e cabes no tin control di su boca henter e curpa ta sufri.

Cada bes cu un Mayor ta papia cosnan contra di voluntad di Dios den su cas y cu su Familia, e persona ey ta hiba su Familia den dificultad, pa motibo cu e no tin control di locual e ta papia.

Hasta un Gobernante tin cu tene masha cuidao den su discursonan, pasobra tin biaha e discurso por parce masha elocuente, pero pa e pueblo e ta deficiente.

Nunca papia locual bo no ta desea, especialmente ora bo ta para den un posicion di autoridad, y no usa abo autoridad pa manipula, bo cas y bo Familia, y hasta un Pais.

Beibel ta siña nos di un rey Acab cu tabata haci cosnan contra e boluntad di Dios, Idolatria, y bruheria tabata orden di dia pe y e a hinka e pais den gran Dolor. Pero despues su propio yiu Ezequias a bin drecha cos bek cu Dios. Acab tabatin un boca hopi negativo.

E mesun yiu cu bo ta bisa awe cu no ta sirbi, E mesun muher cu bo ta maltrata y divorcia for di dje lagando e muher desampara cu varios yiu pa cria, ta nan mes majan lo tin cu yuda bo ora bo ta den bo behez. E mesun hendenan cu bo ta persigi awe, papia malo di nan, ta nan mes por saca un man pa bo den futuro pasobra e mundo aki ta chikito.

Palabra di Dios ta bisa nos pa haci, bon un na otro, cada biaha cu bo ta haci oracion, si bo corda cu bo tin contra un persona bo mester pordone, pa asina Dios pordonabo. (Les Mateo 6 :14)

No ta existi ningun trabao na mundo den cual bo mester haci malo y papia malo pa bo ta un bon empleado, den ningun empresa of institucion ta NO TA existi e tipo di regla di trabao asina. (Arbeidsvoorwaarden)

Y esaki ta conta IGUAL pa tur Familia, si bo kier bendicion papia Bendicion.

Un Familia dividi no por resisti, Union ta haci forza, Union ta yama bendicion. Salmo 133.

Sinceramente,
Pastor
Marcel Balootje.



CASH CASH CASH PA BO CAS OF TERENO NA NOORD

Starmax Properties VBA tin cliente cu ta desea pa cumpra un cas den NOORD y of tereno.

Tambe nos tin cliente cu tin budget limita, pa cumpra un cas na rason di 75 mil.

Si e cas ta verval, bieuw, of sin mantencion, tambe ta welcome.
Contact nos of manda un wasap na 739-0101



Minister di Finansa y Cultura
tin e tristo deber di anuncia fayecimento di



Sr. Wilfred Celestino Schoop

* 06-04-1937 - † 20-03-2022

Na bida welo di nos colega Jeanissa Maduro

Minister sra. mr. Xiomara Maduro y su
ministerio ta manda palabra di profundo
condolencia na familia y amistad.

Cu Sr. Wilfred Celestino Schoop Sosega na Paz

FORTALEZA PA FAMILIA

Scirbi pa Pastor Marcel Balootje.

4 PASO PA HABRI PORTA DI BENDICION

Nos Dios ta un Dios responsabel pa su pueblo, y Dios a laga instruccion pa nos sa kico nos tin di haci den tempo dificil, con nos por yega serca Dios y haña ayudo pa nos sali pa dilanti.

Den 2 Cronicanan Capitulo 7 vers 14+15 ta para scirbi: Y si Mi pueblo cu ta wordo yama na Mi nomber, Humilia nan mes y haci Oracion, y busca Mi Cara, y bira for di nan Mal Camindanan, e ora ey lo Mi tende for di cielo, lo Mi pordona nan Pica y Sana nan Tera. Awor Mi wowo ta habri y Mi horea ta atento na Oracion haci den e lugar aki.

Prome paso : Nos mester humilla nos mes dilanti di Dios, pone orguyo y arrogancia un banda, pordona, stop di persigui otro, stop di papia malo di otro, trata tur hende manera bo kier pa nan tratabo (Lesu proverbion 6 vers 16-19), stop di pensa cu bo ta mas cu otro hende, tur esey ta nifica humilla nos mes dilanti di Dios.

Di dos paso : Haci oracion, sin oracion ta imposibel comunica cu Dios, un bida sin oracion ta un bida bashi, ta nos oracion ta muestra Dios nos necesidad, den oracion nos ta muestra Dios cu nos ta con-

fia cu E ta Todopoderso y cu nos ta depende di Dios. Nos mester haci oracion y gradici Dios pasobra e ta cumpli cu su promesa.

Cielo y tera por pasa mas Dios su palabra lo permanece pa semper.

Di tres paso: Busca mi Cara, esey Señor ta bisa pa nos comunicacion bira constante, pa Dios por dirigi nos pasonan, pasobra E so por libra nos for di peligro (Salmo 91 vers 3).

Dios kier pa nos por depende di Dje tur momento. Busca su cara tambe ta siña pa nos tin Amistad cu Dios, esey ta nifica cu si nos ta hala serca Dios y Dios ta hala serca nos (Juan 15 vers 5).

Di cuater paso: Bira for di mal caminda, Arepenti, Aparta y entrega bo bida na Hesus Cristo, stop di biba den pica, aparta di maldad, stop di murmura, sali for di bida inmoral, sali for di inhusticia, no biba bao di integridad falso.

Bo no por cana den dos caminda, bo no por come na mesa di Dios y cana den consejo di malvado y sinta riba e stoel di hende cu ta haci bofon di Dios. (Salmo 1 vers 1)

Ora nos cumpli cabalmente cu e 4 punto nan



aki, Dios a priminti nos cu E lo tende for di cielo, esey ta nifica cu nos obediencia y nos Fe ta move man di Dios.

Dios ta wardando riba su

pueblo pa actua, pa manifesta den oracion, pasobra hopi hende por papia, pero poco hende por haci, esey ta e diferencia entre Dios y hende, pasobra Dios ta Todopoderso, e tin tur cos

den su man y nada ta imposibel pa Señor.

Haciendo esaki nos isla lo lanta bek, pasobra Señor lo Sana nos Pais

Oracion di dia

Un feliz dia bendiciona y cu Dios colma boso cu Su amor y misericordia infinito

"Bo mester a tene misericordia cu bo compañero cria mescos cu Ami a tene misericordia cu bo" Mt. 18, 33

Den e Evangelio di awe Hesus kier muestra nos, cu nos mester ta misericordioso manera e rey cu a pordona su cria tur su debenan na momento cu el a rog'e pordon. Y no sea manera e cria cu a haya pordon di e rey y no por a pordona su mesun cria. Señor ta spera pa nos tin un curason humilde y compasivo cu nos rumannan. Mes-cos cu nos kier ricibi pordon di Dios nos mester pordona nos rumannan cu a falta nos den algun momento. Nos tur como ser humano sa comete erornan y ta spera pa nos ser despensa y pordona. Señor tambe ta spera pa nos tin mesun misericordia cu nos prohimo.

Oracion: Señor, Yuda nos pa cada dia nos por tin un curason misericordioso pa nos por siña pordona. Pa asina nos por biba cu un curason limpi y bunita manera Hesus.
Amen.



SOLO
Di Pueblo

744-0444

**CAPT'E
Y MAND'E**

Gradicimento / Invitacion

Di parti famia Werleman nos kier a manda un agradecimiento na un y tur cu di un forma of otro a duna sosten, consuelo y palabranan di forsa durante e momento dificil aki cu despedida di nos querido tata, welo, bisa welo, tatarata welo:



Gabriel Alejandro Werleman

Mihor conocí como Ale Werleman

Boso muestra di atencion tawata un sosten pa nos y ta wordo hopi aprecia.

Un danki na un y tur cu a tuma tempo pa asisti na e acto di condolencia, acto di entierro y esnan cu a manda condolencia via medionan nan social. Boso presencia y mensahenan tawata di gran consuelo pa nos famia.

Un gradicimento special ta bai pa Fundacion Pro Cultura kende a brinda nan asistencia durante acto di condolencia, especialmente Shi-Preke kende a introduci Papa den media pa tur hende sa ken ta Ale Werleman.

Un gradicimento special ta bai pa Wilhelmina Kanker Fonds – Lola, Soraida y personal pa nan tremendo asistencia.

Un gradicimento special ta bai pa Sr. Chido Marin pa semper tey pa Papa y cu a bin cu su caha di orgel e anochi di condolencia.

Un gradicimento special ta bai pa Sr. Rodney y Sra. Sharin Werleman kende a zorg pa Papa y pone nan cas disponibel pa acto di condolencia y preparacion.

Un danki special pa Sr. Leonardo Panneflekk kende a logra a zorg pa Tele Aruba y otro medianan pa grabacion di Papa su ultimo homenahe.

Un danki special na Aurora Funeral Home y su personal pa cu su excelente servicio y atencion.

Na mes momento nos ta invita famia, amiga y amigonan y conocirnan pa compaña nos na 3 Santo Sacrificio di Misa pa descanso di nos ser kerí na Misa Inmaculada Concepcion na Santa Cruz ariba:

Diabierna 25 di maart 2022 pa 7'or di anochi
Diadomingo 27 di maart 2022 pa 6:30 di atardi
Diamars 29 di maart 2022 pa 7'or di anochi
Bo(so) presencia lo ta altamente aprecia



"DUDAS"

Pakiko bo ta duda di mi existencia jen di miedo i temor ta temozabo cuanto biaha mi no a pidi bo confia den mi i asina dunabo tur mi apoyo. Cuanto biaha bo a lubida cu ami tey pa consola bo curason jen di tristesa ora ta orando ami ta sinta mey mey scuchando bo bos pidiendo judansa. Tin biaha mi ta mirabo tur disgusta ni sikiera un bon dia bo ni a dunami pa bo tur cos a bai malo i aki duda a dreña bo curason sin consultami. Mi yiu stima corda cu ami ta Amor mi Paz mi yiu homber a entrega pa kita tur tristesa, miedo i dolor creando speranza pa sigui truinfa. Nunca duda den mi promesanan rikesa i banidad no ta pa eternidad si bo sigui confia den mi palabranan tur bo sonjonan mi lo haci realidad.

" PALABRA DI DIOS."

Duda ta un obstaculo pa ricibi respuesta di nos TATA CELESTIAL.

Mateo 14:31 / Exodo 32:1

Autor: Omaira I. Rodriguez-Britten



9	6					7		8
8					4	3		
1			5					
						1	7	6
2				9	3			5
7		8						
		7		3	2		4	
3	8	2	1		5	6		
	4	1			9	5	2	

	1	5			8			4
		4	9	5		2	7	
	9			3			8	
4					9		2	
5		2		6		9		3
	3		5		7			6
	2			8			3	
	5	3		4	2	7		
8			7			1	5	

Sopi di Letranan

DESCRIBIR	Q	W	O	Z	Ñ	X	K	S	J	I	O	Ñ	M	P	S
ILUSTRACIÓN	F	Ñ	R	E	G	I	S	T	R	O	N	E	K	X	S
OBJETOS	E	J	C	S	I	G	N	I	F	I	C	A	D	O	S
TARJETAS	E	I	O	M	R	Y	I	S	R	N	H	H	Q	S	Z
MATERIALES	Y	S	L	L	C	M	L	U	A	T	D	R	F	C	L
ADJETIVOS	H	U	O	S	A	P	U	M	D	A	N	P	U	O	P
CALIFICATIVOS	Z	W	R	R	L	Z	S	R	J	M	L	W	L	L	I
INDICACIONES	X	B	K	H	I	P	T	X	E	A	R	M	W	A	M
COLABORACIÓN	T	L	C	K	F	F	R	J	T	Ñ	L	G	Y	B	A
RESPECTO	G	I	N	D	I	C	A	C	I	O	N	E	S	O	T
COLOR	L	N	M	O	C	R	C	N	V	P	B	Y	U	R	E
TAMAÑO	T	Q	Y	S	A	U	I	J	O	T	M	Q	T	A	R
TEXTURA	A	X	Z	I	T	S	O	R	S	E	I	X	I	C	I
UTILIDAD	R	D	R	W	I	M	N	B	K	X	J	U	L	I	A
SIGNIFICADOS	J	Ñ	E	X	V	N	V	Q	U	T	O	K	I	O	L
REGISTRO	E	V	V	I	O	D	K	C	U	U	M	N	D	N	E
	T	K	I	R	S	F	H	B	T	R	K	G	A	H	S
	A	S	W	I	T	S	S	N	X	A	R	Q	D	L	C
	S	F	G	Z	N	T	B	J	V	R	J	V	P	S	P
	W	G	D	I	N	Q	Z	O	B	J	E	T	O	S	W

